



Preporuke za održavanje vježbi, ispita i odbrane završnih radova na Univerzitetu u Tuzli tokom pandemije COVID-19

- Obzirom na popuštanje mjera, potrebno je organizirati provođenje vježbi i ispita koji nisu primjereni za način održavanja nastave na daljinu, uz poštivanje svih preporuka u cilju sprečavanja nastanka i širenja infekcija izazvanih SARS CoV-2 (COVID 19) virusom.
- Na isti način je moguće održati i odbrane završnih radova na prvom, drugom i trećem ciklusu studija, kao i odbrane projekata, uz poštivanje ograničenja od najviše 10 (deset) osoba na jednom mjestu, uz nošenje zaštitnih maski i osiguranje socijalne distance.
- Ako je planirano da studenti dolaze na vježbe i ispite u više grupa, obavezno je ostaviti najmanje pola sata između grupa kako bi se prostor oprao, dezinficirao i provjetrio.
- Tokom održavanja ispita potrebno je da studenti budu raspoređeni uz osiguranje fizičkog razmaka od najmanje 2 (dva) metra između osoba.
- Prostorija u kojoj boravi jedna skupina studenata treba biti što veće površine i visine, vratima odvojena od prostorija u kojima borave druge osobe.
- Neophodno je osigurati protok/dolazak što manjeg broja ljudi, kako na ulazu u ustanovu tako i u unutarnjim prostorima ustanove.
- Potrebno je da studenti, zaposlenici i vanjski saradnici Univerziteta prije dolaska u prostore ustanove vrše mjerenje tjelesne temperature, te ako ista prelazi 37,2° C ne dolaze na Univerzitet, već da se telefonskim putem jave ljekaru porodične medicine, a zaposlenici i nadređenoj osobi na fakultetu/Akademiji/Univerzitetu.
- U slučaju saznanja za mogućeg prenositelja/mogući izvor infekcije, svaki zaposlenik dužan je odmah obavijestiti nadređenu osobu, koja će odmah pozvati nadležnu epidemiološku službu.
- Prilikom održavanja vježbi, ispita i odbrana završnih radova/projekata u objektima Univerziteta obavezna je dezinfekcija ruku i nošenje zaštitnih maski, tako da maska prekriva usta, nos i bradu.
- Zaposlenici koji obavljaju čišćenje prostorija moraju obavezno imati rukavice i zaštitnu masku prilikom obavljanja poslova iz svog djelokruga rada.
- Na ulazu u objekte Univerziteta treba biti osiguran dozator sa dezinfekcijskim sredstvom za ruke i jasno istaknuta obavijest o obavezi dezinfekcije ruku pri ulasku

- Prostorije se trebaju redovno čistiti i dezinficirati. Pri korištenju dezinfekcijskih sredstava voditi računa o pravilnoj primjeni prema uputstvu proizvođača.
- Prostorije se provjetravaju najmanje dva puta dnevno minimalno pola sata prije dolaska studenata, kao i nakon njihovog odlaska, ili se ostavlja otvoren prozor ako to vremenske prilike dopuštaju. Izbjegavati korištenje klimatizacijskih i ventilacijskih uređaja, osim ako nije nužno zbog vremenskih i drugih prilika.
- Svakodnevno se čiste i dezinfikuju podne površine nakon odlaska zaposlenih/studenata. Dodirne površine kao što su kvake na vratima, ručke na prozorima, radne površine, tipkovnice, konzole, slavine u toaletima i kuhinjama, tipke vodokotlića, daljinski upravljači, prekidači za struju, zvona na vratima, tipke liftova te druge površine koje dodiruje veći broj ljudi neophodno je dezinficirati na početku i kraju svake smjene a najmanje dvaput dnevno. O izvršenom čišćenju i dezinfekciji voditi evidenciju.
- Izmjene i dopune Preporuka vršiti će se u zavisnosti od promjene epidemiološke situacije.